


ИЧКИ
БОЗОРДА ЎЗ
ЎРНИГА ЭГА



2-беп

МЕХР ВА
МУРУВВАТ —
УЛУҒ
ФАЗИЛАТ



СОҒЛИҚ —
ОЛТИНДАН
ҚИММАТ

4-5 беплар

БЕЛЬГИЯДА БЎЛГАН
УЧРАШУВ



6-беп

ПАЙШАНБА

ТОШКЕНТ ОҚШОМИ

Газета 1966 йил
1 июлдан
чиқа бошлан

ШАҲАР ИЖТИМОЙ - СИЁСИЙ ГАЗЕТАСИ

№ 5 (10.058)

2004 ЙИЛ 8 ЯНВАРЬ

ПОЙТАХТНИНГ
Бир кўни
Янгиликлар, воқеалар

ҚИСКА

● **КЕЧА** қишки таътил кунларини мазмунли ўтказиш мақсадида Бектемир туманидаги мактабларда тахсил олаётган 625 нафар ўқувчилар иштирокидаги «Камолот» ёшлар ижтимоий ҳаракатининг туман бўлими ташаббуси билан ташкил қилинган «Кўчма арча байрами» тадбирлари ниҳоясига етди.

● **КЕЧА** Мудофаага кўмаклашувчи «Ватанпарвар» ташкилотининг Акмал Икромов туман бўлими ва туман мудофаа ишлари бўлими ҳамкорликларида 60 нафар ҳарбий хизматга қақурув ёшидаги мактаб ўқувчиларининг иккита ҳарбий қисм офицерлари билан учрашуви ташкил этилди.

● **БУГУН** «Хадра» теннис марказида «Ўзбекистон теннис юлдузлари — болалар учун» мавзусидаги теннис байрами бўлиб ўтди.

● **ЭРТАГА** умумтаълим мактаблари ўқувчилари, академик лицей ва касб-хунаро коллежлари талабалари иштирокидаги фан олимпиадасининг Тошкент шаҳар босқичи якунланди.

● **ТОШКЕНТ** шаҳар ИИББ йўл ҳаракати хавфсизлиги бошқармасида бўлиб ўтган тадбир йўл ҳаракати қондаларига риоя қилишда ҳайдовчи ва пиёдаларнинг роли масаласига бағишланди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.

14 январь - Ватан ҳимоятчилари кўни

ЮРТ ТИНЧЛИГИ — ИШОНЧЛИ ҚЎЛЛАРДА

Мамлакатимиз Президенти, Қуролли Кучлар Олий Бош Қўмондони Ислоҳ Каримов таъкидлаганидек, Ўзбекистон учун, бугунги ва келажак авлод учун энг катта бойлик — элнинг тинчлиги ва осойишталигидир. Шу боис, бебаҳо бойлигимиз — юрт тинчлиги ва осойишталигини таъминлаш давлатимиз сиёсатининг энг устувор йўналишларидан бирига айланган.

Халқимизнинг тинч, осуда ҳаётини таъминлашда Ўзбекистон Республикаси Давлат чегараларини химоя қилувчи қўмита муҳим ўрин тутати. У замонавий қурол-аслаҳа ва алоқа воситалари, техника билан таъминланган кўп сонли жанговар қўшиндир.

Хизматини чегара қўшинлари сафида ўтаётган ҳарбийларнинг нафақат соғлом, жисмонан бақувват, балки замонавий ҳарбий техникани бошқаришни пухта ўзлаштириши ва маънавий етуқлиги қўмита раҳбариятининг доимий эътиборида. Булар эса чегара қўшинларида олиб борилаётган ислохотларнинг асл моҳиятини ташкил этаётди.

Шу боис ҳарбий қисмлар шахсий таркиби ўртасида тарбиявий, ҳуқуқий, маърифий ва маданий ишларнинг барча турларидан кенг фойдаланилмоқда. Бунда ҳарбий қисмлар ўртасида ташкил этилаётган турли мусобақалар, Қуролли Кучлар фахрийлари, танкичи адабиёт ва санъат намоёндалари билан учрашувлар, маърифий-маданий тадбирлар ўзининг ижобий самарасини бермоқда.

Ўз навбатида бу ҳарбий қисмларнинг шахсий таркиби сафларидан кўплаб жанговар хизмат аълочилари, билим ва тажрибали, ўз

касбини виждонан адо этиб, қаҳрамонлик намуналарини кўрсатиб хизмат қилаётган жангчилар етишиб чиқмоқда.

Генерал-майор Илҳом Ибрагимов командирлик қилаётган «Жануб» минтақавий штаби тасарруфидоги ҳарбий қисмларнинг жангчилари ҳам Ватан химоятчилари кўнини жанговар ва сиёсий тайёргарликда юқори кўрсаткичларга эришган ҳолда кўтиб олмақда. Мамлакатимизнинг турли вилоятларидан Ватан олдидаги муқаддас бурчини адо этиш учун қақурилган йигитлар муддатли ҳарбий хизматни аъло даражада ўтаб, командирлари ва тенгдошларининг ҳурматини қозонмоқда.

Келажакда, бутун миллий армиямизда бўлганидек, чегарачилар сафлари асосини ҳам сержантлар ташкил этиши яхши маълум.

Чунки, Қуролли Кучлари мида босқичма-босқич ўтказилаётган ислохотлар талаби бўйича армия шартнома асосида хизмат қилувчи ҳарбийлардан ташкил топади. Шу боис чегара қўшинларидаги бундай кадрларни танлаш ва тайёрлашга алоҳида аҳамият берилмоқда.

Майор Мирза Абдуматов командир бўлган ҳарбий қисмда шартнома асосида



хизмат қилаётган ёшлар чегараларимизнинг доимо тинч ва осойишталигини таъминлаш учун бор куч-гаиратини сафарбар этмоқда. Қисмда жангчиларнинг ҳарбий хизматни намунали ўташи учун барча шароит яратилган. Кенг ва ёруғ казармалар, замонавий ошхона, катта китоб фондига эга бўлган кутубхона, спорт майдончалари ва бошқа кўплаб маданий-маиший объектлар аскарлар хизматида.

— Чегарачи, аввало, мустақил фикрлайдиган, масъулиятни ўз зиммасига олишга қодир, жисмоний ва маънавий жиҳатдан етуқ бўлиши лозим, — дейди Мирза Абдуматов. — Қисми мида ана шундай фазила-ларга эга чегарачилар кўпчилигини ташкил этади. Биз улар билан фахрланамиз.

ЎЗА

XVI саҳоси

Марказида пойтахт ҳокимлиги, Ўзбекистон телерадиокомпанияси ташаббуси билан 22-мехрибонлик иш тарбияланувчилари иштирокида боғ-лун бўйича мусобақалар ташкил этилди.

● **Кимматли қозғолар бозори** фаолиятини мувофиқлаштириш ва назорат қилиш маркази ҳамда Инвестиция институтлари миллий уюшмаси томонидан 2003 йил якунлари бўйича Ўзбекистон фонд бозорининг энг яхши иштирокчиларига мукофотлари топшириш маросими бўлиб ўтди.

● Анджон вилояти «Мехрибонлик ва саломатлик» жамғармаси қошида мўътабар ёшдаги қарияларнинг саломатлиги муаммолари билан шуғулланувчи «Гериятрия» илмий-амалий маркази очилди.

● Тошкентдаги «Ўзбоулинг» марказида пойтахт ҳокимлиги, Ўзбекистон телерадиокомпанияси ташаббуси билан 22-мехрибонлик иш тарбияланувчилари иштирокида боғ-лун бўйича мусобақалар ташкил этилди.

● Конимех-Чордара оралигадаги 3 километрик масофага қувурлар ётқизиблиб, Конимех туманидаги «Чордара» ширкат ҳўжалиги ҳудудида тоза ичимлик суви етиб келди.

● Денов туманидаги «Лочин» фермер ҳўжалиги Чинор қишлоғи болалари учун спорт мажмуаси қуриб фойдаланишга топирилди.

● Анджонда реконструкциядан сўнг 200 ўринга мўлжалланган 1-туркур мажмуаси яна ўз эшикларини очди.

Жаҳонда

● Европада Хавфсизлик ва Ҳамкорлик ташкилотига Болгария ташқи ишлар вазири Соломон Пасси раислик қила бошлади.

● Миср ва Эрон 1980 йилда узилган дипломатик алоқаларни қайта тиклаш ҳақида келишиб олдилар.

● АҚШ Президенти Жорж Буш Америка конгрессининг иккала палатаси раҳбарларига жўнатган хатида Ливияга қарши жорий этилган бар томонлама иқтисодий жарима муддатини яна бир йилга узайтириш ҳақида маълум қилди.

● Афғонистонда Қандаҳор шаҳрида жойлашган ҳарбий база ёнида қолдирилган юк машинасининг портлаши натижасида 12 киши ҳалок бўлди ва 45 киши тан жароҳати олди. Ушбу террорчилик ҳаракатида «Толибон» жангариларининг қўли борлиги гумон қилинмоқда.

● АҚШда кучли қор ёғиши натижасида йирик автомобиль ҳалокати рўй берди. Пенсильвания штатининг шимоли-шарқидоги автомагистралда 50 та юк машиналарининг тўқнашиб кетиши натижасида 2 киши ҳаётдан кўз юмди.

Метро

ЧИЛОНЗОР ЙўНАЛИШИ «ЧАВАНДОЗ»ЛАРИ

Тошкент метрополитенининг биринчи участкаси — Чилонзор линиясининг фойдаланишга топширилганига роппа-росса 26 йил бўлди.

Ҳозирги кунда ҳар томонлама қулай бу ер ости транспортининг иш режими — 19 соат, эрталаб соат 5 да бошланиб, тунги соат 24.00 да тугайди, линиядаги 21 та поездга 79 та машинист «чавандоз»лик қилади — бошқаради. 5 та жамланмадан таркиб топган машинистлар орасида ўз вазифасини сидқидилдан бажариб йўловчиларга қулайлик яратаётганлар кўпчилигини ташкил этади. Ана шулардан бири Равшан Маҳмудовдир.

Техника шайдоси Равшаннинг «Мехнат дафтарчаси»га 1-рақам билан «1974 йил, «чилангар шогирди» деб ёзилган.

Икки йилдан сўнг, яъни 1976 йилда машинист ҳайдовчилари курсига ўқишга кирди. Тажрибали ходимлар Равшан Азимов, Бахтиёр Колбаевлар ёш йигитга устозлик қилиб, гуруҳ талабалари орасидан Равшан Маҳмудовни метро поездини биринчи марта мустақил бошқаришга кузатиб кўрканлар «Шошма, ўзини эркин тут, касб маҳоратингни ошириб бор, йўловчиларни ҳурмат қил» дея қайта-қайта таъкидладилар. Устозлар тажрибаси ижобат бўлди. Масофаси 17,5 қақиримли «Буюк Ипак йўли — Собир Раҳимов» станциясини белгиланган

23 дақиқада босиб, 7 та рейс қилиш, 13 та бекатнинг ҳар бирида, айниқса йўловчиларга гавжум Ҳамза, Халқлар дўстлиги, Мустақиллик, Амир Темур бекатларида ҳушёрликни жиддий сақлаш Равшаннинг кундалик дастуридан ўрин олди.

— Сергели туманининг «Нўғайқўрғон» маҳалласида тураман, кўпинча мактаб болалари ва айрим йўловчиларнинг касб формамга ҳавас билан қарашларини кузатарканман, ич-ичимдан қувониб кетаман ва машинистлик хунарини янада эъозлашни, меҳр қўйишни, тақдир йўлларимда шу касбим бахт-иқбол келтиришини дилимдан ўтказиб қўяман, — дейди биз билан суҳбатда Равшан Маҳмудов.

Ўз касбини севиб, ҳамшаҳарларимиз ва пойтахтимиз меҳмонларига намунали хизмат кўрсатаётган, узогини яқин қилаётган уста машинист меҳнатлари билан жамоадоларига ўрнак бўлмоқда.

Фаттоҳ АБДУРАҲИМОВ

Иқтисодий**КЎШНИ
ДАВЛАТЛАРГА
ЭКСПОРТ**

Бугунги кунда «Асклепий Свифт» Ўзбекистон-Англия қўшма корхонасида ишлаб чиқарилаётган ҳар жиҳатдан гигиеник тоза ва момик пахталар тиббиёт соҳасида жуда қўл келмоқда.

Замонавий техника ва технологиялар орқали оддий пахта хом ашёси қайта ишланиб, 25-50, 100-250 грамми тоза қопламаларга ўралган ҳолда тайёрланмоқда. Тиббиёт соҳасида энг кўп ишлатиладиган тоза ва момик пахталарга эҳтиёж ортиб бориши боис ҳозирда корхонанинг ишлаб чиқараётган махсулотларини республикамизнинг барча дорихоналари шартнома асосида сотиб олмақда.

Шунингдек, корхонанинг сифатли махсулотлари Россия, Украина, Тожикистон ва Қозғоғистон давлатларига ҳам экспорт қилинмоқда. Англиянинг «Свифт-паш» корпорацияси билан ҳамкорликда иш олиб бораётган корхона прессланган пахталарни эндиликда целлофан пакетларда момик ҳолда ишлаб чиқармоқда.

**БЕЖИРИМ ОЁК
КИЙИМЛАР**

Ҳозирги кунда ихчам, замонавий, бежирим оёк кийимлар ҳар қандай харидор талабига мос тушади. Шахримизда фаолият юритаётган «Нафис» масъулияти чекланган жамият ходимлари ҳам айнан ана шундай махсулотлар яратишга интиломоқда.

Корхона шартнома асосида иш юритиб, асосан оёк кийимлар ишлаб чиқаришга ихтисослашган. Эркаклар, аёллар, болалар оёк кийимларини янги услубда яратишда корхонанинг 30 нафардан ортиқ ишчи-ҳодимлари ҳамжиҳатликда ҳаракат қилишмоқда. Айни пайтда жамият ходимлари мавсумга мўлжалланган, кузги, киши оёк кийим турлари устида ҳам иш олиб боришмоқда.

Корхонамизда бир ойда 7-10 миллион сўмлик махсулот ишлаб чиқарилмоқда, — дейди корхона раҳбари Нигматулла Расулов. — Утган 2003 йил биз учун яхши натижадор йили бўлди. Четдан оёк кийимнинг таг қисмини қўядиган дастгоҳ сотиб олди ва махсулотимиз сифатини юксалтиришга ҳаракат қилдик. Янги йилда ҳам ўзига хос янги режаларни амалга оширишни кўзламоқдамиз. Асосий мақсадимиз эса сифатли ва рақобатга чидамли махсулотлар тайёрлашдир.

**ЗАРУР АШЁЛАР
КЕЛТИРИЛМОҚДА**

Сергели туманидаги «Сип-Акбар» масъулияти чекланган жамият консигнация асосида четдан махсулот келтириб, иқтисодий ривожига ҳисса қўшаётган корхоналар сирасига киради.

Жамият бир неча йилдирки Россия Федерациясининг, Иркутск, Красноярск ўлкаларидан ҳар хил ўлчамдаги ёғочлар, ДВП, ДСП, фанерлар, радиаторлар, михлар, карбит ҳамда бошқа қурилиш ашёларини шартнома асосида Ташки иқтисодий алоқалар агентлиги ва божхона рўйхатидан ўтказиб олиб келади.

Келтирилган бундай махсулотлардан туган маблағ эвазига қуруқ мевалар, консерваланган махсулотлар Ўзбекистондан четга жўнатилади.

Орзуғул РУСТАМОВА

14 январь — Ватан ҳимоячилари куни**ТАНЛОВ ҚИЗГИН ДАВОМ ЭТМОҚДА**

Қуролли Кучларимизда миллий армиямиз ташкил этилганининг 12 йиллигига бағишлаб ўтказилаётган «энг яхши сержант», «энг яхши гуруҳ командири», «энг яхши взвод командири» ҳамда «энг яхши батальон командири» танлови қизгин давом этмоқда.

Ўзбекистон Республикаси Ички ишлар вазирлиги қоровул қўшинларида танлов муваффақиятли ниҳояланди. Унинг яқунловчи қисмида дастлабки босқичларда голиб чиққан ўттизга яқин ҳарбий иштирок этди.

— Сержант ва офицерлар қисқа ва узок масофага югуриш, саф тайёргарлиги, қуролдан фойдаланиш, ўқ отиш, умумий ҳарбий низом ҳамда маънавий-сиёсий тайёргарлик бўйича билим ва маҳоратини намойиш этди, — дейди қоровул қўшинлари шахсий таркиби билан ишлаш бўйича бошқарма бошлиғи, полковник Муид Фозиллов. — Танлов ҳарбийларимизнинг рухий-жанговар шайлиги тобора юксалиб бораётганлигидан далолатдир.

— Спорт билан қанча кўп шуғуллансак, ҳарбий машғулотларни

ўзлаштиришимиз ҳам шунча осон кечади, — дейди сержант Жамшид Тожиев. — Шартнома асосида хизмат қилаётган ҳарбийлар орасида «энг яхши сержант» деган номга сазовор бўлишимга ҳам спортга иштиёқим баланглиги сабаб бўлди, деб ҳисоблайман.

Танловда лейтенант Насимбек Пайғамбор қоровул қўшинларида 2003 йилнинг «энг яхши гуруҳ командири», катта лейтенант Шарофиддин Усмонов «энг яхши взвод командири», подполковник Бектурди Полвонов эса «энг яхши батальон командири» деб топилди.

Улар энди танловнинг Қуролли Кучларимизнинг барча қўшин турлари бўйича ўтказиладиган яқунловчи босқичида иштирок этади.

**Холмурод САЛИМОВ,
ЎЗА МУХБИРИ**

**КУНЧИҚАР
МАМЛАКАТ
САХОВАТИ**

Мамлакатимизда 1995-2003 йиллар давомида Япония ҳукуматининг бегараз кўмаги доирасида 8 миллион 10 минг АҚШ доллари миқдоридаги 152 та лойиҳаси амалга оширилди.

Япония элчихонаси вакилининг таъкидлашича, 96 та лойиҳа умумтаълим мактабларига, 27 та лойиҳа давлолаш муассасаларига, 9 та лойиҳа ихтисослаштирилган ҳамда ногирон болалар мактабларини техник-моддий жиҳатдан жиҳозлашга йўналтирилди.

Ижтимоий йўналишдаги кичик миқёсда лойиҳалар орасида 13 та лойиҳа нодавлат ташкилотларни қўллаб-қувватлашга, 4 та лойиҳа чекка қишлоқ ва туманларни ичимлик суви ҳамда табиий газ билан таъминлашга йўналтирилди. 1995 йилдан 1999 йилгача ижтимоий йўналишда олтинчи лойиҳа молиялаштирилган бўлса, 2000 йилга келиб уларнинг сонини 26 га етди.

Япония ҳукумати томонидан мамлакатимизнинг таълим, тиббиёт каби соҳалардан ташқари, фуқаролар фаровонлигини таъминлашга ҳам алоҳида эътибор қаратилмоқда. Жумладан, 1995 йилдан 1999 йилгача лойиҳалар асосан соғлиқни сақлаш тизимини қўллаб-қувватлашга бўлса, 2000 йилга келиб аёлларни турли касбларга ўқитиш ва бўш иш ўринларини ташкил этишга йўналтирилди.

Япония жаҳоннинг бошқа кўпгина мамлакатларига ҳам шундай ёрдамлар кўрсатмоқда. Кўмакнинг катта улуши, яъни умумий ҳажмининг 32 фоизи Осиёга тўғри келмоқда.

«Туркистон-пресс»

Мазкур корхона Янги йил байрами муносабати билан янги махсулотлари — «Ду-Раш» пакетларига қадоқланган 250 грамми сифатли майонезини ҳамшаҳарларимизга тўхфа этди. Ушбу қадоқлаш пакетлари корхонага Туркиядан келтирилган бўлиб, улар жаҳон стандартларига мос. Бу ерда ишлаб чиқарилаётган 32 турдаги кетчуп ва майонезларнинг барчаси экологик тоза хом ашёлардан тайёрланади.

Ушбу корхона 1997 йилда ташкил этилиб, унинг ҳақиқатда биттагина махсулот — кетчуп ишлаб чиқарилган бўлса, тадбиркорларнинг изланишлари, ички бозоримизни чўқур ўрганиш, харидорлар хоҳиш-истакларини ҳисобга олган ҳолда меҳнат қилишлари самараси ўларок бир-биридан мазали, хуштаъм, хушхўр махсулотлар тайёрлана бошлади.

Жамоа махсулотлари «Монарх» савдо белгиси билан чиқарилаётган бўлиб, уларнинг ҳаммаси сертифициланган. Уларнинг ишлаб чиқарилиши ва қадоқланиши шведларнинг дунёга машҳур «LYCKEY STARKELSEN» концернининг технологияси асосида амалга оширилади. Юқори сифатли технологик линияларда энг сара хом ашёдан фойдаланилади ва корхона чехлари доимо озода ва тартибли сақланади.

Экологик тоза хом ашёлар ҳамда уларнинг юқори навли эканлиги учун кетчуп ва майонезларнинг ҳам сифатли, ҳам сақланиш муддатлари узок бўлишига эришилмоқда. 9 хил: «Классик», «Провансаль», «Пишлоқли», «Кўзиқоринли», «Экстра» каби майонезлар, 10 хилдаги «Саримсоқли», «Осиё», «Барбекю», «Оловудин», «Мексиканча» каби хушбўйлаштирилган кетчуплар айниқса, харидорларга манзур бўлмоқда.

— Ишлаб чиқарилаётган махсулотлар нечоғли сифатли

бўлмасин, ҳозирги бозор иқтисодий шариоити талабларидан келиб чиққан ҳолда улар-

ган «Наса» хусусий фирмаси ҳисобланади. Махсулотларимизга чиройли, қулай ҳамда эко-

имкониятлардан умумли фойдаланаётган корхона тадбиркорлари доимо изланишда.

Улар савдо шохобчалари билан узвий алоқада ишлаб чиқарилган фикр-мулоҳазаларини таҳлил қилиш асосида янги махсулотлар яратишга ҳаракат қилишмоқда.

Мазкур корхона бир неча йиллардан буён шаҳарда, Сергели туманида ўтказилаётган кўрик-танлов, ярмарка каби тадбирларда фаол қатнашиб келмоқда. Масалан, жорий йилнинг апрель ойида корхона «Интер-континенталь» меҳмонхонасида ташкил этилган «Интер-фуд» савдо-кўргазмасида қатнашиб, медалга сазовор бўлди. «Юртимизда энг яхши кетчуп ва майонез ишлаб чиқарувчи» йўналиши бўйича голибликни қўлга киритди.

Шунингдек, 3 йилдан буён аънавий тарзда ўтказилаётган «Йил танлови» да хусусий тадбиркор «Цимбалов С.И.» корхонаси 1-ўринни эгаллаб, 2003 йилда «Ўзбекистонда кетчуп ва майонез ишлаб чиқарувчи 1-рақамли корхона» деб тан олинди ва 8 қиррალი юлдуз тасвирланган медал ҳамда сертификатлар билан тақдирланди.

Корхона ўтган - 2003 - Обод маҳалла йилида шахримиздаги меҳрибонлик уйлари, ногиронларга ёрдам қўлини чўзиб, пул маблағи ажратди, шунингдек улар Меҳр ва Муруват йилида ҳам бу хайрли ишни давом эттириш ниятида эканликларини билдиришди.

**Муҳаббат
ХАБИБУЛЛАЕВА**

СУРАТЛАРДА: корхонада ишлаб чиқарилаётган махсулотлардан намуналар; корхонанинг малакали ишчиларидан Татьяна Желтоброва ва Оксана Клячкочаларни кўриб турибсиз.

**Сергей Любичи
олган суратлар.**

ЎЗБЕКИСТОНДА БИРИНЧИ

Шахримизда самарали фаолият юритаётган хусусий тадбиркор «Цимбалов С.И.» корхонасида тайёрланаётган кўплаб турдаги майонез ва кетчуплар бир неча йиллар мобайнида ички бозорда ўз ўрнига эга бўлиб, доимий харидорларига эга.



нинг қадоқланиши ҳам катта аҳамиятга эга, — дейди «Цимбалов С.И.» корхонаси раҳбари Сергей Цимбалов. — Бу борада бизнинг энг яқин, асосий қадоқлаш ашёлари етказиб берувчи ҳамкорларимиз Чилонзор туманида фаолият юритаёт-

логик тоза хом ашёдан тайёрланган идишларни буортмага асосан мазкур фирма ўз вақтида етказиб бермоқда.

Бугунги кунда кичик ва хусусий бизнес, тадбиркорларга давлатимиз томонидан яратилган шарт-шароитлар, кенг

Срэн

ЙИРИК

ИЛМИЙ НАШР

Ўзбек халқи ўзининг бой ўтмиш тарихига эга. Ана шу кўҳна тарихни тадқиқ этиш соҳасида кўплаб йирик тадқиқотлар амалга оширилди ва ҳозирда давом эттирилмоқда.

Ўзбекистон Фанлар академиясининг Тарих институти олимлари саъй-ҳаракатлари билан юзага келадиган тадқиқотларнинг аксарияти китоб ҳолида босиб чиқарилди. Фақат кейинги беш йил ичида 30 дан ортқ монография юзага келди. Бешта илмий тўплам чоп этилди.

Шу кунларда Ўзбекистон Давлатчилиқ тарихига оид янги нашр босмага тайёрланмоқда. Икки жилдан иборат бу китоб тарихчи олимларнинг навбатдаги йирик тадқиқоти самараси бўлади.

ЗООЛОГИЯДАН ЯНА БИР ЛУФАТ

Мамлакатимизда ҳайвонот оламини илмий асосда тадқиқ этишга ҳам алоҳида аҳамият бериб келинмоқда. Ўзбекистон Фанлар академиясининг Зоология институти олимларининг бу йўналишдаги изланишлари ҳам самарали бўлмоқда.

Юртимиз худудида яшайдиган умуртқали ҳайвонлар ҳаётини ўрганишга доир тадқиқотлар ҳам мутахассислар томонидан яхши баҳоланмоқда. Ўзбекистоннинг умуртқали ҳайвонларига бағишланган янги луфатнинг юзага келиши ҳам нур устига аъло нур бўлди.

Мамлакатимизда илк бор босмага тайёрланган ушбу луфат ўзбек, рус, инглиз ва лотин тилларида чоп этилмоқда.

САМАРАЛИ ИЗЛАНИШ

Йод танқислиги натижасида юзага келадиган турли хасталиқларнинг олдини олишда шифокор олимлар самарали изланишларга қўл урганлар.

Тошкент вакцина ва зардоблар илмий-текшириш институтида амалга оширилаётган тадқиқотлардан бири бевосита йод этишмаслиги мавзусига бағишланди.

Иммуно-йодни тайёрлаш технологиясини яратиш билан боғлиқ бу изланиш қатор тиббий муаммоларни ижобий ҳал этиш имконини беради. Ўзида йод сақлайдиган препаратларни кўплаб тайёрлаш учун замин ҳозирлайдиган бу янги технология ўзининг қатор афзалликларини билан ажралиб туради.

Акбар АЛИЕВ

2004-Меҳр ва мурувват йили

Меҳр-мурувватга муҳтож бўлган азиз болаларни мактаб ўқувчиларининг ёзи дам олиш мавсумида соғломлаштириш ва бундан ташқари баҳоли кудрат саҳоват кўрсатиш, ҳолидан хабар олиб, уларнинг кўнглини кўтариш, бир олам орзулар билан яшайдиган норасидаларни руҳлантириш беҳад савобли ишдир. Бундай умуминсоний ва миллий кадрлар касаба уюшмалари фаолиятининг диққат марказида муҳим ўрин эгаллади.

Яқинда Тошкент шаҳар касаба уюшмалари Кенгаши томонидан 30-меҳрибонлик уйида хайрли тадбир амалга оширилди. Ушбу тарбия муассасаси шинам, озодлиги, болаларнинг одоби билан киши эътиборини ўзига тортади. Давлатимиз гамҳўрлиги ва ҳомийларнинг хайр-саҳовати билан бу ерда барча шарт-шароитлар яратилган. Шунингдек, «Совпластитал» қўшма корхонаси томонидан ҳаётига айландирган аjoyиб ўйинчоқлар тўпламидан болажонлар бағоят мамнун.

Тадбир болаларнинг сеvimли Янги йил байрами томошалари, Қорбобо, Қорқизнинг табриклари билан янада гўзал, унутилмасдир. Шаҳар касаба уюш-

малари Кенгаши раисининг ўринбосари Фозил Рўзибеков байрам дастурхони атрофида жам бўлган меҳрибонлик уйи тарбияланувчиларига самимий дил сўзларини айтиб, эзгу тилакларини билдирди

нинг муносиб ўринларини эгаллашларига катта аҳамият берилди. Ўғил болалар дурадгор, қиз болалар эса тикучу бўлиб етишадилар. Видеосалонда болаларнинг ёшига мос, тарбиясига хизмат қиладиган кинофильмлар, қизиқарли мулътфильмлар намойиш этилади.

— Дўстларим кўп. — Шароитимиз яхши. Қўшиқ айтишни яхши кўраман. Юлдуз Усмоновадек эл севган машҳур санъаткор бўлиш орзуимдир. Бу ерда мактаб саҳнасида ҳам қўшиқлар айтаман. Мохир қўллар тўғарагига

БОЛА КУЛГУСИ БИЛАН ОЛАМ МУНАВВАР

Доно халқимизда болалиқдан бошлаб берилган илм, ҳунар, меҳр-муҳаббат тошга ёзилгандек мустаҳкам бўлиб, ўчмайди деган ҳикматли нақл бор. Бу беҳиз эмас. Айниқса, болаларни ардоқлаб тарбиялаш, уларнинг беғубор қалбига меҳр, эзгулик тушунчаларини сингдириш тотли мевадек ўзининг маҳсулини бериши ҳаётий ҳақиқатга айланган.


ва уларнинг барчасига Янги йил совғаларини топширди.

—30-меҳрибонлик уйида 7 ёшдан 16 ёшгача бўлган турли миллат фарзандларидан иборат 165 нафар бола тарбияланмоқда, — дейди меҳрибонлик уйи раҳбарининг тарбиявий ишлар бўйича ўринбосари Фаниля Габбасова. — 31 нафар педагог ходим болаларнинг тарбияси билан машғул. Видеосалон ва тикиш-бичиш, тўқиш, кулинария, шахмат, шашка, энгил атлетика, футбол, жами бўлиб 17 та тўғарак болаларнинг хизматида. Тарбияланувчиларимиз келгуси ҳаётда ўзла-

катнашиб, чеварликини ўрганишдан, — дейди беғубор туйғуларни, улкан орзуларини айтиб тарбияланувчи Гулжамол Алимбекова.

Истагимиз, албатта бу азиз болалар улгайиб, аjoyиб инсон бўлиб орзуларига етсинлар ҳамда ҳаётда ўзларининг муносиб ўринларини эгаллаб халқимизга фарзандлик хизмат қилсинлар. Болалиқнинг бахтли бўлиши учун эса меҳр-муҳаббат, икки оғиз ширин сўз, бағри кенглик талаб этилади. Бу эзгу ишдир.

Улугбек ПЎЛАТОВ



Мағбирлар

ҚУВОНЧ НУРЛАРИ

Жажжи болажонлар кўзидаги қувонч нурларини ҳеч нарсга билан қиёслаб бўлмайди. Уларнинг шодлигидан ҳар бир инсон завқланади, кўнгли ёришади. Яқинда Акмал Икромов туманидаги Усмон Юсупов номли маҳаллада бўлиб ўтган «Арча байрами»да иштирок этган ёшу қари бирдек Янги йилни эзгу ниятлар билан қарши олишди.

Байрамда маҳалла оқсоқоли Ф. Кодирхўжаев маҳалладошларини янги 2004 йил билан кўтлаб, энг яхши тилакларини билдирди. Кўтлов сўнигида даврага Қорбобо ва Қорқизнинг таширф буюриши бо-

лажонлар кайфиятига янада кўтаринкилик бағишлади. Уларнинг болалар билан мулоқотлари кичкинтойларга илҳом берди ва даврада ҳозир бўлган эртак қаҳрамонлари болажонларнинг шеър-қўшиқлар

ижро этишларига туртки бўлди.

Байрам сўнигида ҳомийлар томонидан тайёрланган совғалар, аjoyиб ўйинчоқлар кичкинтойларга тухфа этилди.

Назира ФУЛОМОВА



МЕҲР БУЛОҒИ КЎЗ ОЧМОҚДА

Меҳрли, оқибатли бўлиш, ёрдамга муҳтож инсонларга саҳоват кўрсатиш азалий қадриятларимиздан саналиб келинган. 2004 йилнинг — Меҳр ва мурувват йили деб номланиши эса бу борада янада ҳиммат камарини белга маҳкам боғлашга чорламоқда.

Акмал Икромов туманида жойлашган «Шарқ гули» маҳалласида ҳам ибратли юмушларга қўл урилиб Янги йилга қадам қўйилди. Ушбу маҳаллада бўлиб ўтган ҳисобот-сайлов йиғилишида эл ишончига сазовор бўлиб оқсоқолнинг маслаҳатчилари этиб сайланган фаоллар 2004 — Меҳр ва мурувват йилининг иш режасини белгилаётганларида ногиронлар ва кам таъминланган оилаларга давлат томонидан берилмаётган маблағни тўғри тақсимлаш билан бирга маҳалладошлар ўртасида меҳр-мурувват, оқибат кўрсатиш масалаларини ҳам асосий вазифалар сифатида белгилаб олишди.

Янги йилнинг илк кунларида маҳалладаги кам таъминланган, табиий офат туфайли соғлигини йўқотган бир оила бекасининг бепул дори-дармон билан таъминланишига эришилди. Бу борада «Фармед» хусусий фирмаси яқиндан ёрдам кўрсатди. Шунингдек, хусусий тадбиркор, ҳимматли маҳалладошлар Маҳаммадин ака бир қоп ун, Лола Содикова эса 100.000 сўм пулни ёрдамга муҳтож инсонларга тарқатдилар. Ишонамизки, Президентимиз Меҳр ва мурувват йили деб эълон қилган 2004 йилда халқимизнинг қалбида меҳр-шафқат булоқлари кўз очиши муқаррардир.

Тургун АBAЗОВ,
«Шарқ гули»
маҳалласи оқсоқоли

